


Aktuellis ausn Voreinslabn:



De Revision stieht aa! Immer Aafang Januar werds Gald gezählt un dor Finanzbericht is fällich. Do muss is ganze vorgangne Gahr ausenanner genumme warn, sämtliche Quittunge wern rim un nim gedreht un eigesaah, is muss ja allis sei Richtichkaat ham. Wie des ausgange is, dorfahrt ihr in unnerer Jahreshauptversammlung ...



...unner Vürstand werd siech gelei im neie Gahr noch emol mit ne Plan for 2024 befassn un beschliessn, den wern mir eich dann aa mittaaln. Schließlich sölln ja alle de Terminle kenne, dodormit mor net gerod de schennstn Hutznobnde vorpass! Ansinstn muss mor halt aa ab un zu in des Inernet neiguckn, do stieht aa immer is aktuellste drinne. Iech gab mor schu Mieh, des do allis drinne stieht, aa wenss emol ne Ännering vu Terminle gieht. Also aa fach aufrufn, ganz esu wies do unt n of dare Seit ze laasn is:

www.heimatverein-eibenstock.de

Bis zen nächstn mol - eier Schmidt



FAHRDIENST

Wer am 11.01.2024 abgeholt und auch **wieder nach Hause** gefahren werden will, der möchte bitte bis 17:00 Uhr anrufen:

Tel.: Karin Bauer Tel.: 3641



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
226

Mitteilungsblatt des
Erzgebirgischen Heimatvereines
Eibenstock e.V.

Januar
2024



All unnern Mitgliedern un Freindn wünschn mir
viel Gesundhaat un allis ordenklich Gute
for 8 neie Gahr 2024!

De 25. Märchinweihnacht is nu aa schu wieder Geschicht!



Is hat geschneit! Seit lange wieder emol richtscher Schnee un aa Kält zen Weihnachtsmarkt! Des gobs lang net. Un kalt warsch genuch dorzu! Aber des muss ja esu sei, sinst tät dar Schnee ja gelei wieder abhaun un zorfliesn. Esu kunnt gelei ne gute Vürweihnachtsstimming bei alln aufkumme. Aber eh dar Marktrumml lusgieh kunnt, musst erscht emol viel in unnerer Bud getaa warn. Unner Matthias musst des Bild vun Schneewittl un die paar Zwargn for de Rickwand nei hierichtn, dor Hubert un dor Thomas warn



mit dor Eirichterei un dor Beschmückung arg beschäftigt. Dann sei de grußn Bottichle forn Gliewei, Kinnerpunsch un unnern neistn Getränk „Wurzlrudis Schlummertrunk“ gebracht un aageschlossn wurm. Un nu gings aa schu flott lus mit dor erschten Budnbesatzung un of dor Bühn mit



dor „Memorie-Band“ ausn vucht-landischn Elsterberg! Die ham unnerer Freitochsgäst richtig eighaazt mit ihre schenn Oldies! An Samstoch hat uns de Undine in wunnerbarn Umzuch bescheert, besonders dor letzte Wogn werd uvorgasslich bleibn!




Wir gratulieren unseren Heimatfreunden

Ulli Limpert	am 06.01.	zum 67. Geburtstag
Viola Heinz	am 10.01.	zum 58. Geburtstag
Matthias Barth	am 17.01.	zum 67. Geburtstag
Uwe Staab	am 22.01.	zum 62. Geburtstag
Ute Haese	am 24.01.	zum 76. Geburtstag
Ursula Hahn	am 25.01.	zum 73. Geburtstag
Martina Wiech	am 25.01.	zum 66. Geburtstag
Andrea Barth	am 27.01.	zum 65. Geburtstag
Siegfried Schmidt	am 27.01.	zum 85. Geburtstag
Bärbel Radecker	am 29.01.	zum 77. Geburtstag



Fordere viel von dir selbst
und erwarte wenig von den anderen.
So wird dir viel Ärger erspart bleiben.

- Konfuzius -



Dor 1. Hutznobnd 2024 samt
„Jahreshauptversammlung“
is an Donnerstich,
ne 11. Januar, 18.00 Uhr,
im Voreinshaus



...un dann is aa schu
wieder de Fosnd
nimmer weit:
an Donnerstich,
ne 8. Februar
ab 18.00 Uhr
in Q-Stall



... un dann gobs do aa noch in Hutznobnd ...



... in unnern „Kulturzentrum“, do warn fei aa viel vu unnern Vorein als Zuschauer – e paar sugar als mitwirknte Kinstler dorbei!



Unner Ullmann-Gung war natierlich aa voll mit dorbei, grußartig wie ar musiziert un aa aagesaat hat. Desserwagn durft ar aa neine MDR an Heilichobnd mit ne Florian auftraatn! Mach wetter esu!

Un alle Märchn durftn dank unnern Bürchermaaster doch wieder über de Hauptstross gieh. Sehr gut warn aa unner Schalmein unnerwags un ham e schiens Konzert gabn. Dor Marktplatz war ja diesmol ganz annersch un grußreimicher aufgetaalt. Do hattn aa de Holzheizöfn vu



dor Alm ihrn Platz gefundn - nâr mor kenntn se im nächstn Gahr vielleicht eweng besser ieber ne Platz vortaaln. Viel Besucher kame trotz dare Kält vu -7 Gräder! Aber mir hattn ja genuch haaßn Gliewei zen aufwärme. An Sunntich warn de Tänzer un Kinner dor Hiegucker, aber aa de Feierwehrkapell un dor Posaunechor ham sauber gespielt

un gut aufgemischt. Eingtlich ham de Posaune immer unnern letztn Gliewei dorhascht, aber diesmol ham se des net geschafft. Mir hattn in gutn halb Behälter iebrich, den ham mir naufn Rothaus gabn, den konntn



se for de Feierwehr mit vorkaafn. Bein Ralph war aa Betrieb: Zinggießn, Lichter zieh un in Hubert sei Eisbah! Nu war aa schu de Auswertung mit ne Bürchermaaster, do sei Vorbesseringe fors nächste Gahr dorörtert wurn. Iech hob mei Programmrechie nooch 25 Gahr abgabn un hoff, des die in gute Händ kimmt. De nächste Märchnweihnacht kimmt bestimmt!

Eier Schmidt

Unnere lustiche Weihnacht im Hotel „Am Bühl“



Rachtzeitich sei alle unnere Leit in Hotel gelei untn drinne egedrudt. Artich ham se ihre Geschenker ohgeliefert, die allesamt aufern Tisch an Rand plaziert wurn sei. Jeds Geschenkl hat sei eichne Nummer kricht. Ihrn rundn Tisch hat aa e jeds gefundn, su wie mor halt unnernanner am bestn zampasst.

De Kellner ham gelei de Bestellinge vu de Getränkle aufgenomme un su schnell wies nâr ging hiegebracht. Winterbilde vu unnern Eimstock an dor Leinwand un dodorzu weinachtliche Weisn – su sei mir dann eigestimmt wurn of unnre Weihnachtsfeier 2023. Un dann gobs aa schu wos schiens ze assn: Is Hotel hat siech wieder alle Müh gabn un uns ne ganz lange Reih voll mit de unnerschiedlichstn Speisen vu



de Rolladn, Kließ un su wetter dar-gebutn. Un des Deseer hinnerhar – lecker! Allis hat fei gut geschmeckt, su gut, des e mannicher aa 2 oder sugar 3 mol nausgange is an des Büffee! Wârnd mir uns an dare Asserei gut getaa ham, kame aa schu unnere Weihnachtskinstler, do vu Zwicke rim, aageraast. Se ham ihre Instrumentle un de elektring Gerätschaftn ausgepackt un allis vûrbereit for ihr Weihnachtsprogramm. Iech hob des klaane Wagl

samt mein Biemer un Kompjuter eweng beiseit geschubn, dodormit siech die zwee schie in dor Mitt ganz nah an unnere Leit plaziern kunntn. Un dann gings aa schu lus: De bestn un gängichstn Weihnachts-Arzgebirgsliedle sei dorklunge un alle ham mitgesunge – wenn se den Text halt auswendisch kunntn. Des war die aane schiene Seit, aber die annere erscht – su viel ham mir lang net innerer gutn Stund gelacht. Die vieln lustign Geschichtn un Varschle ham en gar nimmer zur Ruh komme lessn. Unnere Bâuchle warn ja nu gut gefüllt mit den reichling Obndbrut un nu hats en die Dinger noch imhaargescheppert durch die viele Lacherei! Ach, war des schie! Do is de Zeit wie in Flug vorgange, de Aagn

warn ganz feicht un ham Lachtränle komme lessn, do musst mor schu is Taschntüchl namme zen ohwischn! Des mor su viel Spass ham kaa in ner gutn Stund hätt iech net gedacht. Is hat ne ganze Weil un noch ne Zugob gedauert, bis mir uns wieder eweng beruhicht hattn. De Besinnlichkaat zur Weihnacht is aber aa net ze kurz kumme.



Dann is an jedn Tisch de Vorlusing vu de Geschenker-nummern lusgange. Wu die nu endlich alle vortaalt warn, ham unnere Weihnachtsengeln mit dor Antina an dor Spitz de anzlne Zohl n aufgerufn un mor musst sei Geschenk halt ohuhn. Aagesaat oder gar gesunge is dodorbei fast net wurn, jeds hat sei Ding geschnappt un an sein Tischl getrogn. Do gobs grûße un klaane Kartöngle oder Taschn. Aber ieberol war - wie mor noocherts sah konnt - e wos schiens drinne un iech glab, e jeds hat siech drierer gefreit: Do gobs Wichtle, Lichtle, in Haufn Nascherei un aa gute Gerûchle vu Saaf un

Crem, halt de unnerschiedlichstn Dingle. An den Obnd is noch viel dorzählt un gelacht wurn ieber die lustign Witzle ausn Programm vun Fritsch – Matthias. Dar Weihnachtsobnd hat siech dorwagn - bis alle dor Eck nimm warn - bis weit nooch Elfe hiegezugn! Ball hätt iech ewos Wichtichs ganz vorgassn: Unner Steichermarsch is natierlich fei aa noch vu alln in voller Inbrunst mietgesunge wurn! Des gehârt siech aafach for uns Arzgebirger!



Schie wars! Bis zur nächstn Weihnacht, anno 2024! Eier Schmidti!